

醫門法律卷六諸方目錄

消渴門方

金匱腎氣丸

金匱文蛤散

金匱白虎加人參湯

竹葉黃芪湯

生地黃飲子

錢氏白朮散

宣明黃連湯

宣明麥門冬飲子

易老門冬飲子

猪肚丸

爛金丸

潔古化水丹

黃連膏

生地黃膏

天門冬丸

猪腎薺菀湯

腎瀝散

白茯苓丸

忍冬丸

藍葉散

紫蘇湯

烏梅木瓜湯

殺蟲方

虛勞門方

金匱桂枝龍骨牡蠣湯

金匱天雄散

金匱小建中湯

金匱黃芪建中湯

樂令建中湯

十四味建中湯

金匱八味腎氣丸

方見前

金匱薯蓣丸

金匱酸棗仁湯

金匱大黃蟄蟲丸

金匱附子金翼炙甘草湯

金匱附子後癩肝散

十全大補湯

聖愈湯

黑地黃丸

還少丹

人參養榮湯

參朮膏

人參散

保真湯

三才封髓丹

天真丸

麥煎散

人參地骨皮散

東垣補中益氣湯

東垣益胃升陽湯

丹谿大補陰丸

丹谿補陰丸

嚴氏芪附湯

嚴氏參附湯

水腫門方

金匱防己黃芪湯

金匱越婢湯

金匱防己茯苓湯

金匱麻黃附子湯

金匱杏子湯

金匱黃芪芍藥桂枝苦酒湯

金匱桂枝加黃芪湯

金匱蒲灰散

金匱桂枝去芍藥加麻黃附子細辛湯

金匱枳朮湯

實脾散

復元丹

導滯通幽湯

胃苓湯

消風敗毒散

加減金匱腎氣丸

調榮散

烏鯉魚湯

防已散

導水茯苓湯

脹病諸方

人參芎歸湯

化滯調中湯

人參丸

見睨丸

小溫中丸

禹餘糧丸

導氣丸

溫胃丸

強中湯

黃癰門方

金匱桂枝黃芪湯

方見前水腫門

金匱小柴胡湯

方見前吐門

金匱瓜蒂散

方見三氣門

金匱小建中湯

方見前虛勞門

金匱小半夏湯

方見前消渴門

金匱大黃硝石湯

金匱梔子大黃湯

金匱茵陳蒿湯

金匱猪鬃髮煎

金匱硝石礬石散

金匱附子金麻黃醇酒湯

茵陳附子乾姜甘草湯

小茵陳湯

茵陳附子湯

茵陳茱萸湯

韓氏茵陳茯苓湯

韓氏茵陳橘皮湯

麻黃連翹赤小豆湯

抵當湯

半夏湯

藿脾飲

梔子大黃湯

白朮湯

酒煮黃連丸

加味四君子湯

腎痺湯

小兒絲子丸

崔氏八味丸

滑石散

茯苓滲濕湯

參朮健脾湯

當歸秦芫散

黃連散

茵陳附子乾姜湯

秦艽湯

治陰黃法

一清飲

青龍散

小柴胡加梔子湯

肺痿肺癰門方

金匱甘草乾姜湯

金匱射干麻黃湯

金匱皂莢丸

金匱厚朴麻黃湯

金匱澤漆湯

金匱麥冬湯

金匱葶藶大棗瀉肺湯

金匱桔梗湯

金匱越婢加半夏湯

金匱小青龍加石膏湯

俱方論見前

外臺炙甘草湯

千金甘草湯

千金生姜甘草湯

外臺桔梗白散

千金桂枝去芍藥加皂莢湯

千金葶藶湯

醫門法律卷之六

西昌喻昌嘉言甫著

消渴門

論二首

法四條

律五條

消渴論

喻昌曰消渴之患常始於微而成於著始於胃而極於肺腎始如以水沃焦水入猶能消之既而以水投石水去而石自若至於飲一溲一飲一溲二則燥火劫其真陰操立盡之術而勢成熯熯矣內經有其論無其治金匱有治有論矣而集書者採傷寒論厥陰經消渴之文湊入後人不能決擇斯亦不適於用也蓋傷寒傳經熱邪至厥陰而盡熱勢入深故渴而消水及熱解則不渴且不消矣豈雜症積漸爲患之比乎謹從內經擬議言

之經謂凡治消癰俱繫偏枯痿厥氣滿發逆肥貴人則膏粱之疾也此中消所由來也肥而不貴食弗給於鮮貴而不肥飡弗過於饗肥而且貴醇酒厚味孰爲限量哉久之食飲釀成內熱津液乾涸求濟於水然水入尙能消之也愈消愈渴其膏粱愈無已而中消之病遂成矣夫旣病成爲消中隨其或上或下火熱炙盛之區以次傳入矣上消者胃以其熱上輸於肺而子受母累心復以其熱移之於肺而金受火刑金者生水而出高源者也飲入胃中遊溢精氣而上則肺通調水道而下今火熱入之高源之水爲暴虐所逼合外飲之水建瓶而下飲一漉二不但不能消外水且并素醞水精竭絕而盡輸於下較大腑之暴注暴泄尤爲甚矣故死不治也所謂由心之肺謂之死陰死陰

之屬不過三日而死者此之謂也故飲一洩二第一危候也至於胃以其熱由關門下傳於腎腎或以石藥耗其真女色竭其精者陽強於外陰不內守而小洩渾濁如膏飲一洩一腎消之證成矣經謂石藥之性悍又謂脾風傳之腎名曰疝瘕少腹窵熱而痛出白液名曰蠱明指腎消爲言醫和有云女子陽物也晦淫則生內熱惑蠱之疾此解窵熱及蠱義甚明王太僕謂消爍肌肉如蟲之蝕日漸損削乃從消字起見淺矣淺矣夫惑女色以喪志精泄無度以至水液渾濁反從火化亦最危候經云君火之下陰精承之故陰精有餘足以上承心火則其人壽陰精不足而心火直下腎中陽精所降其人夭矣故腎者胃之關也關門不開則水無輸泄而爲腫滿關門不閉則水無底止而

爲消渴消渴屬腎一證金匱原文未脫其曰飲一斗溲一斗者
腎氣丸主之於以蒸動精水上承君火而止其下入之陽光此
正通天手眼張子和輒敢詆之既詆仲景復諛河間謂其神芎
丸以黃芩味苦入心牽牛大黃驅火氣而下以滑石引入腎經
將離入坎真得黃庭之秘顛倒其說阿私所好識趣卑陋若此
又何足以入仲景之門哉何柏齊消渴論中已辨其非昌觀戴
人吐下諸案中從無有治消渴一案者可見無其事卽無其理
矣篇首論火一段非不有其理也然以承氣治壯火之理施之
消渴又無其事矣故下消之火水中之火也下之則愈燔中消
之火竭澤之火也下之則愈傷上消之火燎原之火也水從天
降可滅徒攻腸胃無益反損夫地氣上爲雲然後天氣下爲雨

是故雨由地氣地氣不上天能雨乎故亟升地氣以慰三農與
亟升腎氣以溉三焦皆事理之必然者耳不與昔賢一爲分辨
後人亦安能行其所明哉

消渴續論

昌著消渴論聊會內經大意謂始於胃而極於肺腎定爲中上
下之三消其他膈消食飢等證要亦中上之消耳然未得金匱
之實據心恒不慊越二歲忽憶內經云有所勞倦形氣衰少穀
氣不盛上焦不行胃氣熱熱氣薰胸中故內熱恍然悟胸中受
病消息唯是胃中水穀之氣與胸中天真灌注周環乃得清明
在躬若有所勞倦傷其大氣宗氣則胸中之氣衰少胃中穀氣
因而不盛穀氣不盛胸中所傷之氣愈益難復而不能以充行

於是穀氣畱於胃中胃中鬱而爲熱熱氣薰入胸中混合其衰
少之氣變爲內熱胸胃間不覺易其冲和之舊矣求其不消不
渴寧可得乎透此一關讀金匱所不了了者今始明之其云寸
口脈浮而遲浮卽爲虛遲卽爲勞虛則衛氣不足勞則營氣竭
跌陽脈浮而數浮則爲氣數則消穀而大堅氣盛則溲數溲數
則堅堅數相搏卽爲消渴舉寸口以候胸中之氣舉跌陽以候
胃中之氣顯然有脈之可循顯然有證之可察然且難解其微
焉蓋陰在內爲陽之守陽在外爲陰之固寸口脈浮陰不內守
故衛外之陽浮卽爲虛也寸口脈遲陽不外固故內守之陰遲
卽爲勞也總因勞傷營衛致寸口脈虛而遲也然營者水穀之
精氣衛者水穀之悍氣虛而且遲水穀之氣不上充而內鬱益

見鬲虛胃熱之一班矣更叅以跌陽脈之浮數浮則爲氣卽內經熱氣薰胸中之變文數則消穀而大堅昌前論中旣云以水投石水去而石自若偶合胃中大堅消穀不消水之象可見火熱本足消水也水入本足救渴也胃中堅燥全不受水之浸潤轉從火熱之勢急奔膀胱故洩數洩去其內愈燥所以堅數相搏卽爲消渴直引內經味過於苦久從火化脾氣不濡胃氣乃厚之意爲消渴之源精矣微矣晉唐以後代不乏賢隨其聰敏揣摩內經各自名家卒皆不入仲景堂奧其所得於內經者淺耳使深則能隨證比類各出脈證方治以昭成法而金匱遺篇家傳戶誦之矣卽如消渴證相沿謂中消者宜下之共守一語更無別商豈一下可了其局乎抑陸續徐下之乎夫胃已大堅

不受膏沐輒投承氣堅者不受瑕者受之矣膀胱不受大腸受之矣豈不乘其藥勢傳爲利下驚漉中滿腫脹之證乎總錄謂末傳能食者必發腦疽背瘡不能食者必傳中滿鼓脹皆爲不治之證諸家不亟亟於始傳中傳反於末傳多方療治如忍冬藍葉薺芩丸散及紫蘇葶藶中滿分消湯丸欲何爲耶金匱於小溲微覺不利蚤用文蛤一味治之方書從不錄用詎知軟堅之品非劫陰卽傷陰獨此一種平善無過兼可利水誠足寶乎潔古謂能食而渴者白虎加人參湯不能食而渴者錢氏白朮散加葛根末傳瘡疽者火邪盛也急攻其陽無攻其陰下焦元氣得强者生失强者死末傳中滿者高消中消制之太過速過病所上熱未除中寒復起非藥之罪用藥時失其緩急之制也

潔古老人可謂空谷足音矣所云無攻其陰得强者生失强者死皆慮泉竭之微言令人聳然起敬於是追步後塵徐商一語曰三消總爲火病豈待末傳瘡疽始爲火邪勝耶然火之在陽在陰分何藏府合何藏府宜升宜降宜折宜伏各各不同從其性而治之使不相扞格乃爲良法若不治其火但治其熱火無所歸熱寧有止耶如腎消陰病用六味丸陽病用八味丸此亦一法若謂下消只此一法其去中消宜下之說能以寸哉

內經陰陽別論曰二陽結謂之消二陽者陽明也手陽明大腸主津病消則目黃口乾是津不足也足陽明胃主血病熱則消穀善飢血中伏火乃血不足也結者津血不足結而不行皆燥之爲病也